

## **La Lettre Jèrriaise pour Sanm'di, lé 11 du mais d'Févri 2023**

Bouônjour tout l'monde. Ch'est Françouais L' Maistre tch'a l' pliaîsi dé vouos presenter La Lettre Jèrriaise, aniet, Sanm'di, lé 11 du mais d'Févri 2023.

l' y a eune vîngtaine d'années, j' c'menchis a vendre les produits du Commerce Juste au Marchi à St. Louothains, lé preunmié Vendrédi du mais, et pis auprès chonna, j'fis la même chose à la Salle Parouaisialle dé St. Ou, mais lé drein Vendrédi du mais. J'tait un pliaîsi d'aidgi és pour fèrmièrs et lus fanmil'yes des Pays Tièrs dé gângni tchiques hèrpîns pour lus travas et lus donner eune miyeu vie qué chein tchi connaissaient lé temps passé.

Mais, à la fîn d'l' année passée, j'décidis tchi 'tait temps d'mé r'tither du Conmité du Commerce Juste et dé passer la responsabilité des Halles à tchitchun pus janne. J'avais 'tait sus l'Conmité pour pus d' dgiêx ans. l' tait temps d'finni.

À la fîn d'chu mais, j'allons aver les Tchînze Jours du Commerce Juste, j' connaissons ch'na par lé nom dé "Fairtrade Fortnight", et pour la preunmié fais pour trais ans, j'allons pouver visiter l's écoles eune aut' fais et pâler és p'tchiots entouor lé travas du Commerce Juste.

L'Organisation fut fondée en 1992 par un nombres d' personnes et d'Organisâtions, încliu Oxfam et Christian Aid. Au c'menchement, ch'tait difficile et les produits n' 'taient pon trèjous des miyeurs ! Mais, i' y avait des succès, et auve dé l'aide par d's entrépranneux en Angliéterre et d'aut' pays, les fèrmièrs d'un Co-opératif en Ghana, établîtent un bâtisse, eune mannifacuthe dé chocolat tchi c'mencht a produithe des barres dé chocolat, appelé Divine en 2002. Chutte organnisâtion fut fondée en 1998 et a continué à produithe du supèrbe chocolat, et nous peut l'acater siez Ransom's à St. Martîn et dans certaines grandes Boutiques en Jèrri.

Preunmiéthemrnt, ch'est lé vîngtchînqième anniversaithe dé lus fondâtion et ch'est mangnifique qué nous peut célébrer chu grand succès, spécialement pa'ce qu' ils sont a aîdgi des milles tchultivateurs et lus fanmil'yes dans lus régions auve les primes tch'ils

ont du Commerce Juste pour les coco a bâti d's écoles, des centres avec des nasses dans la campagne, où'est qu' le temps passé i' n' y avait rien du tout et bien d'aut' choses comme de l'eau fraîche et puthe des pits tchi n'avait rien d'avant. Mais acouo mus, les membres sont les propriétaires de 45 du cent des chères de la manufacture. V'la tch' a donner un tas d'bien au Pays de Ghana et i' y a d'autres tchi sont a éprouver à faire la même chose dans l' pays d' à côté, La Côte d'Ivoire. C'est dommage que le monde n'achète rien les produits comme des bananes, du thé, du café et d autres produits du Commerce Juste, parce que v'la tchi les {les Pays Tièrs} aide a être indépendants et i'n'ont rien besoin de demander pour de l'aide comme i'font à ch't heu. Pensez-y et achetez les produits pour les soutenir pendant les Quinze Jours du Commerce Juste à la fin du Mois de Février. Merci pour avoir écouté ma lettre à matin.

Ayez une bonne semaine et à bi.